



## সিডনী সংবাদ - ২

ডঃ মোহাম্মদ আবদুর রায়াক

১

ওয়াহিদ - হাবিব, বাপ ও ছেলে গাইবে হেথায় গান;  
প্রবীন, নবীন গান পাগলের প্রাণ করে আনচান।  
কোথায় টিকিট, কোথায় টিকিট, টিকিট নাকি শেষ?  
'গান না শুনে ফেরৎ যাবো? তাই করি সিট ক্র্যাশ।  
দু'ঘা না হয় লাগিয়েইছি সিটের দখল পেতে -  
বুঝছি না কেন কিছু বেকুব উঠছে এমন তেতে।'  
লোকটা যদি মরেই যেতো? 'আমার তাতে কি?  
যে ভাবে হোক আমার যে চাই গরম ভাতে ঘি!'

'গান প্রীতিটা দেখলো না কেউ, দেখলো শুধু মার,  
বুঝলো না কেউ, এটাই যে মোর বংশীয় কালচার।'

২

বানভাসিতে বাংলা ভাসে, মরছে দেশের লোক;  
আমরা হেথায় মিটিং করে জানাই মোদের শোক।  
মরছে যারা তাদের জন্য? কি যে বলেন ছাই;  
মোদের দাবী, 'জেলে থাকা নেতার মুক্তি চাই'।

মহান নেতার বিচার হবে? সে কি কভু হয়?  
বিচার সাধারণের জন্য, নেতার জন্য নয়।

সিডনী, আগস্ট ৭, ২০০৭

ছড়াকারের আগের ছড়াটি পড়তে এখানে টোকা মারুন